

Ս. ՆԱԶԱՐԵԱՆՑԻ ՆԱՄԱԿՆԵՐԸ Խ. ԱՐՈՎԵԱՆԻՆ *

I

Հոգեհատոր եղբօր Պաշտարոյ Ապովեանց
ողջոյն անձկանաց:

Աշխոյժ եռանդն հայրենասիրութեան՝ գեղեցիկս ցոլացեալ
դանցնիւր շարս ոսկետող գրուածոց ձերոց արդարեւ ի զմայլ
գրաւեաց զուշ իմ և զմիտ. և հչանազան յարոյց յիս զանքուն
որդն ազնուական ցանկութեան, փութալ, սրանալ յայդ տաճար
աստուածապարգէ բաղդիս՝ յոր հրաւիրէ զիս ազգասէր եղ-
քայրդ իմ: Այո՛ իմ ուրախութիւն անպայման է ընդ այդ հրաւէր
գրկելի՝ զոր առաջարկէք ինձ, այլ ո՞ տայր ինձ ըստ մարգա-
րէին զթեա իբրեւ զաղաւնւոյ՝ զի ճախր առեալ վերասլանայի
'ի կատար խանդակաթ քաղձանաց հոգւոյս: Համեմատելով 'ի
ներկայիս խափանառիթ արգելս՝ որք պաշարեն զանձն իմ՝
զառապարն տեսանեմ ինձ զաղի ճանապարհորդութեան այդր:
Նախ՝ զի որ կալ և կապ ունի զձեռս և զոտս է պակասութիւն
դրամոց, որ մին է 'ի գլխաւոր կարեւորաց իմոց, առանց որոց
չի՞ք հնար և զքայլ մի ոտին յառաջ խաղացուցանել: Երկրորդ՝
համբաւ արիւններես ժանտմահուդ այդորիկ՝ կատաղելոյ 'ի սահ-
մանս ձեր հչ սակաւ նահանջէ զխորհուրդս իմ 'ի դէմ եղեալն
նպատակէ. սակայն քաջայոյս եմ՝ թէ որ կատարողն է մարդ-
կային գաղտնի փափաքանաց, չթողցէ և զիմ մեծաբորբոք
տենչ սրտի շիջանիլ առանց գերածայրեալն պսակելոյ: Եւ առ
այժմ համբերեցից և Նա տացէ ըստ իւրում ժամանակի:

*) Ստացուած են Խ. Արովեանի թուռն պ. Գ. Արովեանից, որ ճշտութեամբ
աբտազրել է մեզ ցոյց տուած ընազրից՝ պահպանելով ուղղագրութիւնը և բո-
լոր առանձնայատկութիւնները: Խմբ.

Զայս մի ինչ մնայ այժմ խնդրել ինձ 'ի բարերար եղբայրութենէ ձերմէ՝ զի հւշ եղեալ հանգամանաց հոլովման կենցաղոյս ժամ դիպհւել գտջիք խնդրելոյ 'ի պ. Պարբոտէ յառնէդ մեծէ եթէ հնար ինչ իցէ բարեխօսել առ ողորմած կայսրն վասն օգնելոյ ինձ յայսօրինակ ասպարիսի, որով ունի յաւիտեան գերել զկեանս իմ այդմ մարդասիրութեան իւրում և լցուցանել զսիրտ իմ և զբերան անօրինակ շնորհակալութեամբ գիմանէ և զՁէնջ:

Ո՛ղջ եր, մնամ

Սրտացաւ եղբայրութեան Ձերում

ամենախոնարհ ծառայ Ստեփաննոս
Նազարեանց

'ի 9 ն Յուլիսի

յամին 1831

'ի Ք. Տփլիս:

II

Անուշակ հայրնակից.

Այն ինչ հրատապ աշխոյժք ուսումնասիրութեան՝ դեռ անշէջ ի սրտիս թելադրէին ինձ զամենայն փոյթ ի մէջ առնուլ առ ի կատար բերել զվաղածին եռանդն հոգւոյս օժանդակութեամբ մեծարգոյ Գերմանացոյն Տիգրիղայ, ահայեղակարծ իմն լու եղև ինձ ի հեռաստանէ ձայն խաչատրոյդ, ձայն աւետաբարբառ հրեշտակի՝ զոր ցարդ կնքեալ էր յերկարածիզ լուծութիւն: Ասա ինձ քո՛ ձայն իցէ այդ՝ սիրական եղբօրդ՝ որ հրաւիրէ զիս անդ՝ ուր եսն ի բազում ժամանակաց լինել կաթոգնէի: Օրհնեալ են և եղիցին կամք Տեսչութեան երկնից՝ որ զամենայն ինչ թազուն թագուն շաւղօք իւրոյ անքննելի նախախնամութեան յօգուտ մարդկան տնօրինէ: Հնապա փարատեցան արդէն որ յիսն էին տարակոյսք մտաց, ուրախութեան իմում չիք պայման, սիրտ եմ խաղայ ի փորի իմում և յառաջէ քան ըզբայլս ոտից իմոց վերուղղել զիւր իղձ ի նշանաւորեալն նապատակ: Յընթեռնուէն իմ զոր առիս սիրագիծ նամակ քո՝ հուր վազեաց յերակուսն իմ, սիրտ իմ կորուսեալ դնամբերութիւնն յոյժ՝ կամէր սրանալ անդէն առ անձկալիլ իւր: Ես գիւրաքանչիւր բառ տողիցդ բացի համբուրիւք տեսանելով 'ի նոսին զկատարումն ջերմջերմ բաղձանաց բազմամեայ տարփածութիս ուսմանց: Յօժար եմ հոգւով չափ ընդ յարգելի առաջարկութիւն սիրելւոյդ և խոստանամ ոչ անագան կանխել 'ի ծոց եղբայրութեանդ առ 'ի պսակել զերկնաքաղաքացի յոյս իմ աստուածայաշող վախճանաւ, քան ինձ բացասել այժմ և յաւիտեան:

Բնաց ապա զգիրկս քո, ահա Ստեփաննոս՝ քո հայրենակից
փութայ առ քեզ 'ի Թեա սիրոյ, ահա ընդոտնեալ նորա զամե-
նայն սին փայլ անկայուն փառաց աճապարէ ուր դուդ
կաս 'ի կատարել զիւր և զքո ցանկութիւն: Կնց, կնց ան-
երկմիտ, զի 'ի բիւրուց խափանարկու արգելից զերծեալ զիւր
օձիս գայ առ քեզ Ստեփաննոս քո: Մի լիցի քեզ բնաւ հոգալ
զծախուց ճանապարհորդութեանս առ քեզ՝ զի շնորհօք Տեառն
կարիմ անձնական ծախիւք գալ այդր առանց նսեմացուցանե-
լոյ զազնուութիւն հոգւոյ հայկազին, յիւրաւի Թէպէտ չեմ հա-
րուստ որպէս Կրեսոս, բայց չեմ ևս աղքատ այդքան դրամա-
կարօտ:

Մաղթեմ յԱստուծոյ արժանի առնել զիս ժպիտ 'ի
շրթունս
փարել զլանջօք խաչատրոյդ
զանձնազոհ եղբայրս քո
զՍտեփաննոս Նազարեանց:

'ի 9. յունիս. 1832

'ի ք. Տփլիս:

III

Սիրելի խաչատուր իմ.

Ստացեալ զթուղթ քո գրեալ ի 1-ն Յունուարի. ի 13
ամսոյս խելամուտ եղէ ամենայն բովանդակելոցն ի նմա:
Յաւ մեծ պատճառեաց ինձ պատմութիւն քո զփակասը-
տութենէ այտի Հայոց մերոց, այդ չէ՛ ինչ նոր լսելեաց ի-
մոց: Հաւանիմ յոյժ ընդ զգուշաքայլ ընթացքս բանակա-
տարութեան քո և աղաչեմ զհաստիչն աշխարհաց հասու-
ցանել քեզ ի Թիկունս զաներևոյթ զօրութեան ամենակա-
րող աջոյ իւրոյ: Դառնութիւն վիճակի իմոյ տանեմ մեծահոգի
համբերութեամբ քաջալերեալ 'ի յուսոյ՝ որ 'ի գոգ ապառնոյն
գիտէ անուշիկ զամենայն լեղի և Թեթևացուցանել զանտանելին
ի վշտաց: Զեզերս կենաց իմոց շրջափակեալ անձկագոյն սահմա-
նօք չափաւորութեան ուսանիմ փոքումբ շատացուցանել լղ-
կարիս բնութեան: Ամենայն հարստութիւն իմ կայանայ արդէն
'ի ներքոյ երկնից 'ի 40 ուրլիս. ես բնակեմ առ Բլէկամֆ Այ-
գեպանն ընդ ծանօթ տղայի ումբ՝ որ բնակէր յառաջն առ
Տօմառնն. ամսական վարձ տանս է 400 կոպ. ես տեսանեմ 'ի
բանից քոց՝ զի ինձ մնան դեռ ամիսք վեցք մնալոյ 'ի Դօր-
պատ. բայց տարակուսանք մեծ ունեն զիս զի չգիտեմ Թէ իւր
Առաքեալ բարեկամն մեր խոստացեալ 'ի Թղթի իւրում առաքել

ինձ 200 ուրի. թուղթ, ապաշաւեալ է որպէս երեւի, զի անցանին ահա ամիսը չորք և ոչինչ հոտ դրամոց 'ի Տփլիսայ. ազգականք իմ ուրացեալ են զիս. եղբայր իմ չգրէ ինձ. սորայս սառնասարտութիւն անցանէ զօրինակ ամենայն, զի խոստմունք հազարաւորք և գործ և ոչ մի: Աստի հնար է իմաստասիրել զսրբտից մարդկան զյատկութիւն՝ զի եթէ եղբօր այսչափ փոյթ է զեղբօրէն, ապա հրչափ փոյթ եղիցի այլոց զինէն: Ա՛խ, խաչատուր, խաչատուր՝ որ միայն կարես հասկանալ զիմ լեզու մութն և անհասկանալի արանց անպիտանից, նպատակ քո արդարեւ բարի և գովանի՝ ոյր վասն և անմոռանալի երախտընկալն բարեկամութեան միջնորդութիւն քո 'ի մասին գալլատեան իմոյ յեւրոպիա, բայց պտուղք այսպիսի բարեբար միջնորդութեան տտիպ և անախորժ. յայսմ ամենայնի երջանիկ զիս կարգամ տեսանելով զիմ հոգի յարուցեալ 'ի քնոյ թմրազգած էութեան 'ի ժրաշան արթնութիւն նորահրաշ կենաց: Այս հուր մշտաճարակ 'ի սրտիս ոչ շիջէ յիս յառաջ քան զել շնչոյս. փառք Տեառն կամիմ գիտել՝ զի շահեցայ զժամանակն՝ որքան ներեցին ինձ իմ աղքատին միջոցք: Ես պատաղիմ այժմ (?) զգաղղի լեզուաւ. բայց չգիտեմ հնար է 'ի կարճ միջոցի յառաջանալ յայսմ լեզուի յոր ի խօսել չիք ինձ միջոցք. հասկանալ արդարեւ կարելի է, բայց խօսիլ ոչ:

Քո Ստեփաննոս:

Դի 21. Յունվարի

1835 ի Դորպատ:

IV

խաչատուր իմ:

Արդէն զօրն եօթներորդ անցուցանեմ աստ յազարակի Տանտէ ֆոն Էնգլհարթ, ժամանակ իմ հոսի յուրախութեան 'ի շրջանակ բարեսիրտ, ծերունի տիկնայց և քանի մի սիրարժան՝ բայց տգեղ օրիորդաց: Տիկինն ֆոն Էնգլհարթ սէր մեծ և ընտանեկան ցուցանէ ինձ, համարի զիս անդամ գերդաստանի իւրոյ և զարմացուցանէ զիս իւրով անօրինակ օտարասիրութեամբ: Զսենեակ մի մաքուր բազմօք զեղեցիկ՝ քան զոր ստացեալ է իմ 'ի Ֆրիդրիխսօֆ և հանդերձ բոլոր կարասեօք որք պիտանիքն են ինձ, ունիմ աստ. անչափ փափկութիւն անկողնոյ իմոյ՝ սովորական երևոյթ յայսպիսի տանս, քաղցրացուցանէ զքուն իմ յոյժ յոյժ, թէպէտ այս գիտէ նոյնպէս փնասել աշխատասիրութեան իմում: Աշխատիլ աստ ըստ օրինի չիք ինձ մարթ, զի սենեակ իմ մերձ յոյժ հետասենեկին խափանառիթ

լինի ինձ առ այդ: Համադամ ուտելիք յաւուրս յայսոսիկ և բաղմութիւն պէսպէս գերմանական պղակուտեաց ուսուցանեն ինձ աստ զքնքուշ կեցութիւն ունեոր Գերմանացւոց: Թանթէ ֆօն Շվէտ երևի ինձ սիրարժան ևս քան 'ի Դերպտ: Գլխաւոր պատահմունք իմ են լեզուն Յունական՝ յորում յուսամ 'ի սկըզբան հանդերձեալ կէսամին ենթարկել զանձն հարցաքննութեան: Ահա ճշմարիտ կորուստ ժամանակի. այժմ ուսանիլ և ապա մոռանալ. զի ճ տացէ ինձ ժամանակ 'ի բժշկական պատահմանս իմ շարունակել զՅոյն լեզու առ 'ի չմոռանալ զայն: 'ի 10 յունվար յուսամ լինել 'ի Դերպտ. բնութիւն ոչինչ ուրախաբեր ունի այժմ աստ, դաշտք զգեստաւորեալ ձեամբք և բոլոր արարածք 'ի մահատիպ լուութեան: Ես կամէի խնդրել 'ի քէն, եթէ հնար էր և քո ներէր ժամանակ, զի հոգայիր վասն իմ սենեակ մի բարւոք վասն հանդերձեալ կեցութեան իմոյ 'ի Դորպատ: Հարց ցՏօմսոնն, ունի նա սենեակ մի չվարձեալ դեռ առ իւր. ջանան ստանալ զմին 'ի միջին սենեկաց վերին էտածին. ես կարծեմ, կիսամեայ վարձ նոր եղիցի ոչ աւելի քան զ50 ռուբլ. եթէ աստ ոչ, այլ ուրեք ջանան գտանել ինձ սենեակ մի օրինաւոր ոչ շատ հեռի 'ի համալսարանէն և ոչ շատ մօտ:

Ողջոյն շատ տուր յինէն պատուարժան տիկնոջն ֆոն Կէզեր, դստեր նորա, որդւոց և այլոց զիս սիրողաց. շնորհաւորեմ քեզ և նոցա զտարին նոր և հայցեմ ձեզ ամենեցուն առողջութիւն հոգւոյ և մարմնոյ:

Քո Ստեփաննոս:

Դ 27 Դեկ.

1835.

Ի Գոդասիմ: